



Inatsisartuni ilaasortaq, Ruth Heilmann, Siumut

§ 37 malillugu Najugaqarfik Elisibannguaq pillugu apeqqtinnut akissuteqaatit

Asasara Inatsisartuni ilaasortaq, Ruth Heilmann, Siumut.

Najugaqarfik Elisibannguaq pillugu apeqquteqaatinnut qujanaq. Nuannaarutigaaara Najugaqarfik Elisibannguamut tunngatillugu ajornartorsiutit attuumassuteqartut apeqquteqaateqarfigigakkit. Peqatigitillugu nalunaarutigisinnaavara, Najugaqarfik Elisibannguamit nutaamik illutaliornissaq sanaartugassatigut nunap immikkoortortaanut pilersaarusiornermi nassuiaammut ilaatinneqarmat, tamannalu uannit pingaartinneqarnerpaavoq.

Apeqqut 1:

Qallunaat nunaannit innarluutillit angerlartitaasunut angerlarsimaffiusoq "Najugaqarfik Elisibannguaq" Maniitsumiittoq najugaqartunut najugaqarfigiinnassallugu pisoqalisuuvippoq taannami ukiuni 43-ini atuussimavoq najugaqartunut utoqqalilersunut pitsorlussisunullu naleqqukkunnaavissimalluni. Angerlarsimaffiusoq taanna utaqqiisaagallartumik inissiiviusartunngortinneqarsimavoq. Maannalu najugaqartut sulisullu utaqqeqqissinnaajunnaartutut inissimalersimanerat akuersaaruminaalluinnarpoq. Piaarnerpaamik taanna nutaamik illumik taarserneqartariaqavippoq. Qaqugu Naalakkersuisut Najugaqarfik Elisibannguamik nutaamik sanaartornissaminnik pilersaaruteqarnerisut matumuuna apeqqutigaara?

Akissut: Najugaqarfik Elisibannguaq ulloq unnuarlu angerlarsimaffiuvoq imminut pigisoq ineriartormikkut kingusittunut inersimasunut utoqqaanerusunullu naatsorsuussaq. Ataatsimut katillugit najugaqartunut 21-inut inissaqarpoq - taakkuninnga 12-it Najugaqarfik Elisibannguami illut pingaarnersaaniillutik. Ilanngullugu tamatuma kingornatigut immikkoortortat marluk pisiarineqarnikuullutillu sanaartorneqarsimapput - Sikkerneq (1972-imi sananeqartoq - 1998-imi pisiarineqartoq) aamma Ukaliusaq (2010-mi sanaartorneqartoq) marluullutik najugalinnut 5-it aamma 4-inut inissallit. Najugaqarfik Elisibannguaq 1971-imi sananeqarpoq piffissamilu 1971-imiit 1991-imut sullitat taarseraattut najugaqartittarsimallugit.

August 1991-imi naalakkersuinikkut aalajangiunneqarpoq, ineriartormikkut kingusissut inersimasut arlallit Vestsjællands Amt-imit angerlartinneqassasut, amerlanersaat Andersvænge-imiit. Taamatuttaaq aalajangiunneqarpoq Najugaqarfik Elisibannguami najugallit paaqqinnittarfirmi najugaqarnissamut periarfissinneqassasut - najugaqartut inissamik pisariaqartitsinerat tamakkerlugu.

02 maj 2014
Suliap normua 2014-099244
Allakkap normua. 1564570

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Ilanngullugu Najugaqarfik Elisibanguaq Kalaallit Nunaanni immikkut ulloq unnuarlu paaqqinnittarfiuvoq siullerpaaq, Danmarkimi inissineqarsimasunit angerlartitsis-innaasimasoq. Najugaqartulli ilaat uttoqaliartorput taamalu paaqqutarineqarnissamik pisariaqartitsinerulersimallutik. Najugaqarfik Elisibanguamiittut ukiumikkut agguataarsimanagerat 1. april 2014-imi imappoq 32-it aamma 68-it akornanni ukioqartuullutik.

Ajuusaarnaraluartumik illutat pingaarnersaat immikkoortortallu arriitsumik ullutsinnut naleqqukkiartorunnaarsimapput aammalu ima aserfallatsigisimallutik, iluarsaanneqarnissaat imminut akilersinnaajunnaarsimalluni. Aamma init mikisuupput, tummerarpassuaqarluni - taamaattumik pisariaqartinneqartunik ikiorsiissutit atorineqarsinnaasaratik - taamaannerallu najugaqartunut aamma sulisunut assut ajoqutaasarpoq.

Tamannarpiaq pissutigalugu, IIAN-imit aalajangiunneqarsimavoq - taamaallaat pisariaqarnerpaanik aserfallatsaaliinerit aallartinniarlugit.

Taamaattumik aamma suliniuteqarnerup nukittorsarneqarnissaa suli ilungersunarnerulersimavoq - tassunga ilanngullugit illutanik nutaanik arlalinnik sananissaq, Najugaqarfik Elisibanguami najugaqartut maannakkorpiaq pisariaqartitsinerannik eqquutsis-sinnaasunik - tassunga ilanngullugu immikkoortortat Sikkerneq aamma Ukaliusaq (naju-gartut paaqqineqarnissamik pisariaqartitsisut) oqilisaanniarlugit.

Ilaqutariinnermut Inatsisinillu Attuutsitsinerumut naalackersuinikkut akisussaasutut pin-gaarnerpaatut kissaatigaara, sukkanerpaamik ullutsinnut naleqquttunik illutanik nutaanik sanasoqarnissaa, peqatigitillugit siunertamut naleqquttunik.

Apeqput 2:

Isumaqaarpunga Naalackersuisut sanaartornissaminni taanna sallerfaatillugu pin-gaar-nersaatillugulu aningaasaliiffigisariaqarpaat. Apeqputigissavaralu Naalackersuisut uattut taamatut eqqarsarnerisut, aammalu taamatut eqqarsarunik kingusinnerpaamik 2015-imi sanaartornissaq pilersaaruteqarfigalugulu aallart-issinnaaneraat apeqputigissavara?

Akissut: Ilaqutariinnermut Inatsisinillu Attuutsitsinerumut Naalackersuisoqarfik (IIAN) apeqput 1-imi akissuteqaammut innersuussissaaq.

Apeqput 3

Aammalu innarluutillit inuusunnarsut najugaat illukuuvoq nangitaaq "Sikkerneq" taanna aamma pisoqalisuulivippoq nutaamillu pilersaaruteqarfigineqartariaqartoq, taanna aamma Naalackersuisut qanoq pilersaaruteqarfigineraat apeqputigissavara?

Akissut: IIAN apeqput 1-imi akissuteqaammut innersuussissaaq.

Apequt 4

Ukaliusarmi taanna nutaajuvoq aamma sisamaannarnut inissaqarluni. Kissaatigineqarporlu suli amerlanerusut pisariaqartitsilersussaasut eqqarsaatigalugit nu-taamik aamma pilersaarusiortoqartariaqartoq?

Akissut: IIAN-imit maannakkuugallartoq nalilernerqarpoq pisariaqassanngitsoq inissanik amerlanerusunik tiguisinnaanerata annertusisinnissaa, tassami Qitiusumik Utaqqisut Allattorsimaffiat naapertorlugu utaqqisoqanngimmat.

Apequt 5:

Ukiorpanni Maniitsumi innarluutilinnik aamalu minnerunngitsumik annertuumik innarluutilinnut sullissineq sungiussisimasunik aalajaalluinnartunillu peqareenera iluatinnarluinnartut qanorlu atorluassallugit Naalackersuisut qanoq tassunnakkut eqqarsaatersuuteqarfigineraat aamma paaserusunnartut ilagilluinnarpaat?

Akissut: Innarluutilinniipput sullitat amerlasuut assigiinngitsorpassuit aamma pisariaqartitsinerit. Sullitat ilaannut imappoq, innarluutaat inuunerminni pinngortarlutik, soorlu assersuutigalugu nappaateqarnikkut imaluunniit ajutoornikkut. Sullitanut allanut - assersuutigalugit ineriartormikkut kingusissunut aamma kingusissukut inerittartunut amerlanertigut inunnguuseralugit innarluutaasarput.

Tamakku saniatigut siunissami neqeroorutit imatut aaqqissuunneqartassapput, Danmarkimi innarluutilinnik immikkut pisariaqartitsisunik inissiiinissamut pisariaqartitsineq annikillisimalluni - peqatigitillugulu, Kalaallit Nunaanni taamatut immikkut neqeroorutaasinnaasunik pilersitsiortortoqarluni.

Taamaattumik innarluutilinnut neqeroorutit ullumikkut nukittorsarneqassapput - siammasinnerusunngortinneqassallutillu. Tamatumunnga ilaasutut ingerlaavartumik Kalaallit Nunanni immikkut ulloq unnuarlu paaqqinnittarfinnut neqeroorutaareersutut ineriartortinneqarnissaat pitsaassusaasalu siammasinnerulersinnissaat sulissutigineqassaaq.

Inussiarnersumik inuulluaqqusillunga
Med venlig hilsen

Martha Lund Olsen